

دائرة مخصوصه

در سعادتده باب عالی جوارنده

محل اداره :

# مستطابق

خطار :

مسئله موافق آثار جدید مع المنزله

قبول اولور

درج ابدیه بن آثار اعاده اولور

دیه، فلسفه، علوم، حقوق، ادبیات و سیاسیه و باطنیه و کرم و اجتماعی و مدنی امور و مشوره اسلامیه و بحث ایدر و هفته دره بر نشر اولور.

صاحب و مؤسسلری :

ابوالعلا زین العابدین - ح. اشرف ادیب

در سعادتده نسخه سی ۵۰ پاره در

آبونه بدلی

سنه لکی التي آتلی

|                     |    |    |       |
|---------------------|----|----|-------|
| ممالک عثمانیه ایچون | ۶۵ | ۳۵ | غروش  |
| روسیه               | ۶۵ | ۳۵ | روبله |
| سائر ممالک اجنبیه   | ۱۷ | ۹  | فرانق |

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی  
۲۰ غروش فضله آتیر

عدد : ۱۰۶

۱۱ رمضان ۳۲۸ پنجشنبه ۲ ایلول ۳۲۶

بشنجی جلد

## نفسیه شریف

### انوار تان

الحاصل منافق لک جواب اوله رق بز انجق مصاحز دیملری  
ذوالوجهین بر سوزدر . سزک بزه افساددر دیه اسناد ایلدی بککز شیلر  
افساد دکل اصلاحدر دیمک معناسنه محتملدر ؛ سزک بزه عز وایتدی بککز  
افساداتدن بز بری بز ، بزم ایتدکلریمز هپ اصلاحدر معناسنه ده محمول  
اولور . زمرة منافقینک مقصدلری اولکی وجه اولدینی حالده طور  
نفاقلریله ایکنجی وجهی ارانه ایلدی لر .

فساد : بر شینک اعتدال دن خروچی در . صلاح : انک ضد  
و مقابلی در . فساد فی الارض ، فتن و حروبک هیجانی درکه نظام عالم  
و آسایش بنی آدمک اخلاقی موجب اولور . منافق لک نهی اولندقلری  
شی ایله مراد ، هرج و مرج عالمه مؤدی بولنان صنوف شر در . بر آدم  
عاقبت کندی قتلنه مؤدی اوله جق بر شیئه تصدی ایلدکده ، کندی  
الکله کندی اولدی رمه دنیلدی کی بو مقام دخی او قیلدندر ، یعنی  
یابدقلری شی فتن و حروبک تهییجه مؤدی بولندیغندن فساد فی الارض  
ایتمک ، فتن و فساد تهییج ایتمک دینلدی .

سلمان فارسی رضی الله عنه حضرت تارندن مرویدرکه [ ان اهل هذه  
الآية لم يأتوا بعده ] دیمش . معناسی : بو آیتده مخاطب بولنانلر  
بتون بتون منقرض اولمامشلردر ، بو زماندن صکره دخی نفاقده  
حالاری بونلرک حاله بکزر کیمسلر اوله جقدر - ق ش .

۱۲ - الا انهم هم المفسدون ولكن لا يشعرون .  
[ منافق لک ادعای باطللری طرف اقدس کبریادن رد اوانه رق  
بیوریایورکه ] آگاه اولک انلر انجق مفسددرلر [ ادعای باطللری  
کی انلر اصلاحه مقصور دکل ، افساده مقصوردرلر ، بتون ایتدکلری  
افساددر ] ولکن حس ایتیمورلر [ کندیلرینک مفسد اولدقلری امور

۱۱ - وَإِذَا قِيلَ لَهُمْ لَا تُفْسِدُوا فِي الْأَرْضِ قَالُوا إِنَّمَا  
نُصْلِحُكُمْ .

[ منافقینک کفر و نفاقا ینه تفرع ایدن بعض قیجهلری تعداد  
اوله رق بیوریایورکه ] آنلره روی زینده افساد ایتمک دینلدی کی  
زمان بز انجق مصلحز دیدیلر [ سز بر یوزنده فساد مؤدی اولان  
شیلری ایشله یورسکزر . اسرار مسلمینی کفارده افشا و آنلری مسلمین  
علینه تشویق و اغرا ایله حروب و فتن تهییج ایدرک و شرائع ، هدی  
ورحمت اولق اوزره بین العباد وضع ایلمش سنن الهیه اولدینی حالده  
سز اظهار معاصی و اهانت بالدين ایله نظام عالمه مخل حاله جرأت  
کوستردرک اورتانی هرج و مرج ایدیورسکزر . بو حاللردن واز  
کچیکز دیه کندیلرینه مؤمنین طرفندن نصیحت اولندقدده اسناد  
اولنان شیلری ظاهرده انکار و حقیقتده یابدقلری شیلرک افساد اولیوب  
محض اصلاح اولدینی ایما و اشعار ایدر صورتده استعمال لسان ایله  
بز انجق مصلحز ، بزه بو یولده خطابکزر طوغری دکل ، بزم حائلز  
شائبه فساددن آزاده در دیدیلر و بو سوزدن مقصدلری یابدقلری شیلر  
افساد اولیوب اصلاح محض اولدینی بیان و ادعا ایکن خوفلردن  
ناشی بونی بللی ایتیه رک شیوة نفاق اوزره انکار صورتی کوستردیلر .



محسوسه درجه سنده در ، لیکن حس و شعور لری یوق که ادراك ایلسونلر .

بو آیت کریمه ده مسند الیه مسنده مقصور اولق لازم کلور ، مقامه مناسب اولان بودر . منافقلر آیت سابقه ده کندیلرینی صفت اصلاحه قصر ایتشلر ایدی ، جناب حق بو آیتده انلرک بو ادعالرینی رد ایله کندیلرینی صفت افساده قصر ایتشدر . انلرک کندیلرینه اثبات ایتدکلری صفت انلردن نفی ، کندیلرندن نفی ایلدکلری صفت انلره اثبات ایدلش اولدیغندن بو قصر قصر قلبدر - ش . [الّا] حرف تنبیهدر .

۱۳ — وَإِذَا قِيلَ لَهُمْ آمِنُوا كَمَا آمَنَ النَّاسُ قَالُوا أَنُؤْمِنُ كَمَا آمَنَ السُّفَهَاءُ أَلَا أَنَّهُمْ هُمُ السُّفَهَاءُ وَلَكِنْ لَا يَعْلَمُونَ .

[منافقلر ، روی زمینده افساد ایتیهک دیه منکردن نهی اولمشلردی ؛ شمدی ده نصیحی تمام وارشادی اکیال ایچون امر بالمعروف طریقله جانب مؤمنیندن] کندیلرینه ناس ایمان ایتدیکی کی ایمان ایدک دنیلدکده [خواص و فضائل انسانیتی جامع انسان کامللرک ایمانی کی ویا رسول اکرم ایله صحابه کرامک ویاخود ابناء جنسلرندن عبدالله ابن سلام وجماعتک ایمانلری کی اخلاصه مقرون ، شوائب نفاقدن آزاده ایمان ایله ایمان ایدک دیه نصیح ویند اولندقدده] — انؤمن کما آمن السفهاء — دیدیلر [ویردکلری بو جوابک ایکی معنایه احتمالی وار . بری : سفهانک ایمان ایلدیکی کی بز ایمان ایدرمیزی؟ دیمکدر . دیکری : سفهانک ایمان ایتدیکی کی می بز ایمان ایدیورز وناسک ایمانی کی ایمان ایتیمورمی یز که حتی بز ناسک ایمانی کی ایمان ایتیمکلمزی امر ایدیورسکمز دیمکدر . منافقلرک مقصدی برنجی معنی اولوب بز ایمان ایدن اوسفیهلر کی هیچ ایمان ایدرمی بز دیمک ایتدکلاری حالده ناصحینه قارشو ایکنجی معنای مراد ایدیورلر مش کی برطرز منافقانه اظهار ایتشلردر . جناب منزل الفرقان منافقلرک بو سوزینی رد ایدرک بیوریورکه ] آگاه اولک سفها کندیلریدر ولکن [سفها کندیلری اولدیغنی ودا سفه کندیلرینی هر طرفدن استیلا ایلدیکنی] بیلیمورلر .

آیت کریمه ده واقع [الناس] کله قدسیه سنده لام جنس ایچوندر . وناس ایله مراد انسانیتده کامل وقضیه عقل ایله عامل کیمسه لدر ، چونکه اسم جنس علی الاطلاق مساسنده استعمال اولندیغنی کی اسم جنسه خاص و آندن مقصود اولان معانی بی جامع اولان افرادنده استعمال ایدیور ، بونکچوندر که او معانی بی جامع اولمان افرادندن اسم جنس سلب اولنورده مثلاً زید انسان دکلدر دینور . یاخود لام عهد خارجی ایچوندر . و مراد رسول اکرم ایله صحابه کزین حضراتی ویاخود منافقینک ابناء جنسندن عبدالله ابن سلام ایله جماعتی کی اخلاص ایله ایمان ایتش ذواتدر .

[الناس] کله قدسیه سیله نرمیه اشارت اولنمشه منافقلرده

[السفهاء] لفظیله اورایه ویاخود علی الاطلاق جنس سفهایه اشارت ایتشلردر . هر نرمیه اشارت اولنورسه اولنسون آنلرک زعم فاسدلرینه کوره اولجه ذکر اولنان [ناس] جنس سفهایه داخل اولیور .

سفه : نقصان عقلک ایراث ایلدیکی خفت و سخافت رأی دیمکدر . بونک مقابلی حلمدر . اخلاص ایله ایمان ایدن ذوات رزانت ووقارک غایه قصواسنده ایکن منافقینک آنلری تسفیه [سفیه نسبت و سفهادن عد] ایتلمی ، یا کندیلری نظر صحیح اربابندن اولمدکلری جهته سفه وغوایتلری کندیلرینه معقول و صواب کورندیکی ایچوندر ، ویاخود اوزمان اکثر مؤمنین فقرا اولوب ایچلرندن صهییب وبلال کی بعضیلری دخی آزادلیلر طاقدن اولملریله آنلری تحقیر ایچوندر ویاخود [ناس] ایله عبدالله بن سلام وامثالی مراد اولدیغنه کوره اظهار تجلد و آنلره عدم مبالاة ایچون اولملی در - ق س ش .

سؤال — مؤمنلر منافقلره سزده ناس کی اخلاص ایله ایمان ایدک دیدکلری زمان بریکیلرده — انؤمن کما آمن السفهاء — دیمش اولملرینه کوره سوز فریقین آره سنده محاوره صورتیله جریان ایتش اولدیغندن فریق ثانینک جوابی کندیلرینه نصیحت ایدن فریق اولک محضرنده اولق ایجاب ایدر . فریق ثانی ایسه فریق اولی سفهادن عد ایدرک ایمانلرینی ذم وقده ایلدکلرندن منافق دکل ، کافر مجاهر اولیور ، حالبوکه سباق و سیاق بوکا اصلاً مساعد دکل .

جواب : فریق ثانینک ویردیکی جواب اثناء تفسیرده کوسترلدیکی اوزره ایکی یوزلیدر . مقصدلری سزک بز کندیلری کی ایمان ایتیمکلمزی تکلیف ایلدیکی کز خفت و سخافت رأی اربابی اوسفیهلر کی بز هیچ ایمان ایدرمی بز دیمک اولدیغنی حالده [بز سفهانک ایمانی کی می ایمان ایدیورز وناس کی ایمان ایتیمورمی یز که بز ناس کی ایمان ایتیمکی امر ایدیورسکمز] معناسنده مساعد بر ترکیب استعمال ایلدیلر . وشو حالده مجاهره دکل ، قاجه مق صورتیله جواب ویردک اضمار کفر ایتش اولدیلر . منافقلرک بوسوزی [واسمع غیر مسمع] قوللری قیلندندر . بوقوللری ده خیر وشری متضمن اوله رق ذوالوجهین در . بونکله فخر عام صلی اه علیه وسلم افندمزه خطاب ایدرلر ومقصدلری یا محمد ! سوزک شایان استماع اولمدیغنی حالده بز استماع ایت دیه استهزا ایتیمک ایکن [بز استماع ایت ناخوش سوز ایشتمه یه سین] معناسنی اظهار ایلرلر ایدی . سؤال واقعدن جواباً بعضیلری منافقینک بو سوزلری آردلرند اولوب مؤمنلرک یوزینه قارشو اولماسی لازم کلور دیمشلر وامام اوحدی دخی منافقلر بوسوزی مؤمنلرک نزدنده دکل ، آردلرند اظهار ایلدکلرندن جناب ، حق رسول اکرمی ایله مؤمنلره بونی خبر ویرمش اولدیغنی بیان ایتش ایسه ده معلوم اولدیغنی اوزره متحاوریندن بری طرفندن عن الغیاب صادر اولان سوزی مقام محاورده یینلرند جریان ایتش سوز معرضنده ابراز ایتیمک هیچ برکلامده امثالی یوقدر ؛ نرمه قالورکه حائز مرتبه اعجاز بولسان کلام اللهده بویله برشی اولسون - س .



۱۴ — وَإِذَا لَقُوا الَّذِينَ آمَنُوا قَالُوا آمَنَّا وَإِذَا خَلَاوُا إِلَىٰ شَيَاطِينِهِمْ قَالُوا إِنَّا مَعَكُمْ إِنَّمَا نَحْنُ مُسْتَمْرُونَ .

[ صدر قصه منافقینده ذکر اولنان « ومن الناس من يقول آمنا بالله » آیت جلیله سنده انلرك نفاقده کی مسلکری شرح و ایضاح اولندی کی بو نظم شریفده دخی انلرك مؤمنلره قارشو بر درلو و کفارده قارشو بشقه درلو کوستردکری طور و معامله لر واستعمال ایلدکری لسان و ادالر بیان اولنهرق بیوریلورکه [ انلرایمان ایدنلره برلشدکری وقت بز [ سزک ایمان ایتمککیز شیلره ] ایمان ایتمک دیدیلر و شیطانلریله [ کفرلرینی اظهار ایدن و یارنیلر یولنان کفره ابلیس نهادان ایله ] تنه قالدقلى زمانده ایسه بز [ دین و اعتقادده ] سزکله برابرز [ هیچ بر حال و کارده سزدن آیرلمه بز ] بز [ نزد مؤمنینده ایمان اظهاری خصوصنده انلره ] انجق استهزا ایدیورز [ حقیقه ایمان ایتمک خاطر سزدن بیله کچمز . محض انلرك شلرلندن امین اولهلم ، سرلرینه وقوف حاصل ایدهلم ، غنائم و صدقاته اشتراک اولسون دیه کندمزی مسلمان کوستریورز . خلاصه منافع ماده سزک ایجابنه مبنی کندمزی اسلام کوستره رک اهل اسلامه و دینلریله اکلنیورز ] دیدیلر .

مرئیدرکه عبده ابن ابی ابن سلول نام منافق شهیر برکون همبالریله برابر خارج شهره چیقه شلر ایدی . صحابه کرامدن برجماعت بونلره تصادف ایلدی . ابن سلول همبالرینه : باقک بو سفیلری سزک اوزریکزدن فصل دفع ایده حکم دیدکدن صکره ایکی طرف بری برلرینه تقرب ایلدیکی زمان صدیق اکبرک الی طوتهرق : ای سید نبی یم ، ای شیخ المحترم اسلام ، ای نفس و مالی رسول خدایه بذل ایتمش اولان یارغار صدیق ، مرحباً بک دیدی . صکره جناب فاروقک الی طوتوب : ای سید نبی عدی بن کعب ، ای نفس و مالی رسول الله فدا ایتمش اولان فاروق صلابنکار ، مرحباً بک دیدی . بعده حیدر کرارک الی طوتهرق : ای نبی مکرمک دامادی و عموجه زاده سی و رسول الله بن ماعدن بتون هاشمیلرک سروری ، مرحباً بک دیدی . حضرت علی دیدی که یاعبداه جناب حقندن قورق ، نفاقی براق ، منافق لر مخلوقاتک اک شریری درلر . عبده ابن سلول : مساعده ایت یا ابا الحسن ! بونی نم حقمده می سویله یورسین ، خدا بیلور بزم ایمانم سزک ایمانکیز و تصدیقم سزک تصدیقکیز کی در دیدی . صکره آیرلدیلر . ابن سلول همبالرینه : کوردیکزمی نبی ، فصل یایدم . انلری کوردیککیز زمان سزده نم کی یایک دیدی . همبالری بورذیله نفاق کارانه سندن طولای ابن سلوله ثناخوان اولدیلر و سن ایچمزدده یاشدجه دائماًئل خیر اولورز دیدیلر . صحابه کرام عودتلرنده رسول اکرم صلی الله علیه وسلم افندمزه ماجرای عرض و اخبار ایلری اوزرینه بو آیت کریمه شرف نزول ایلدی — ق

منافق لک مؤمنلره قارشو بیانلری ، ایمان ایتمش اولدقلى نی اعدادن عبارت اولوب کفره متمرده یه قارشو افاده لری ایسه اعتقادلری

اوزرد یابرجای ثبات اولدقلى نی افهام اولدیغندن مؤمنینه جمله فعلیه و اوته کیلرینه جمله اسمیه مؤکده ایله خطاب ایلدیلر — ق

هرامت و ملتده و هر عصرده بولندیغنی سویلدیکمز بوصف ناسک توصیفی حقنده سبق ایدن آیات ، انک هر زمان و مکانده بولنان افرادینک حالی عامه تصویر ایدیور ایدی ؛ [ یخادعون .. ] ، [ واذقیل لهم .. ] قول شریفلری کی اسلوبلری ده معنای عمومده ظاهر ایدی . فقط بو آیت کریمه اوصاف عامه دن صکره کیش بروصف خصوصی اولوب بوصف ناسدن یالکیز عصر نزول قرآنده بولنان بعض افرادینک حالی کوستریور . ماضی صیغه سیله تعبیر بیورلمسی ده بوصفدن اولوب نفاق و فساد اخلاقده غایه فضاخته و اصل اولمش اولان اوزمره پی ایکی یوز کوستردکلرندن و ایکی دیل قوللاندقلى رندن طولای کندیلرینی تویخده تصریح کی اولسون ایچوند . آیتده کی بو خصوصیتیه مبنی بعض واهمین سبق ایدن آیاتک جمله سی ده او عصرک منافق لری حقنده در دیمشسه ده حقیقت حال اولجه بیان ایلمش اولدیغندن تکرارینه لزوم یوقدر . مع مافیسه بوزمرده هر عصر و زمانده بولور . اوزمره دن ماضی صیغه سیله تعبیر بیورلمسی بوکا منافی دکلدر ؛ زیرا [ اذا ] کله سی مستقبله دلالت ایلدیکندن آیت کریمه ده واقع فعل ماضیلر مستقبل معناسنده در . ماضی صیغه سنک اختیار ایلمسی اوافراد منافقنی تویسخ و سوق مؤمنینده دکر سزمتاع نفاقلرینک رواجی اولدیغنی و استهزای کندیلرینه . مردود و ووبالی کندیلرینه عائد بولندیغنی انلره اشعار ایچوند — ع .

۱۵ — اللَّهُ يَسْتَهْزِئُ بِهِمْ وَيَمُدُّهُمْ فِي طُغْيَانِهِمْ يَعْمَهُونَ .  
الله [ تعالی ] انلره استهزا ایدر [ استهزایرندن طولای کندیلرینه مجازات ایدر ] و طغیانلرنده حیرتله یویان اولق اوزره انلره امهال ایلر .  
استهزا : سخریه و استخفاف معناسنده در . بو معنی جناب اقدس حقنده محالدر . مقصود ، ذات یاری انلره استهزایرندن طولای مجازات ایدر دیمکدر . و بر شیتک جزاسنی او بر شیتک اسمیه تسیمه قیلندن مجازدر . بو اسلوب قرآن کریمده پک چوق وارد اولمشدر : [ وجزاء سیئته سیئته مثلاً ] ، [ فن اعتدی علیکم فاعتدوا علیه بمثل ما اعتدی علیکم ] ، [ یخادعون الله و هو خادعهم ] ، [ و مکروا و مکرا الله ] کی . بوتسمیه یا مشاکله ایچوند و یا خود جزا اصل فعله مقدارده مماثل اولسنه مبنی در .

### مشاکله

مشاکله : برشی ، تعبیرده مماثل اولسون ایچون مقارن اولدیغنی دیگر بر شیتک لفظیله ذکر اولمقددر . بو اسلوب دائماً بر مجازی احتوا ایدر که انک علت و باعنی کندیدر . ادبیاتده و علی الخصوص مصاحبات انامده بو طور بیان پک مألوفدر . مشاکله نک الکلنوازمثالنی قرآن کریمده بولورز . باقک شونظم جلیله بو بدیعنه قدر روح شناس : « صیغه الله و من احسن من الله صیغه » .



وقتی که حکمداران بری دولتک مضایقه مالیه سی زماننده برجهته کلیتی برانچه ویرلمسی ایچون مالیه ناظرینه قرناسندن برینی کوندرد . ناظر کلن ذاته : [ افندمن اراده کوندرد چکنه پاره کوندردسون ] دیمش . بوراده [ اراده کوندردمک ] تعبیری [ پاره کونه رمک ] تعبیرینه مائل اولسون ایچون استعمال ایدلمشدر .

تلاک فقرة آیه سنده [ قاجرمق ] افطی اولا معنای حقیقیسیله ایراد ایدلکدن صکره تعبیرده مائل بولنسون ایچون مجازاً بلا تأمل سوز سوبله بیورمک معناسنده استعمال اولمش : [ سنده برکمی یاپوپ تلقی قاجر سوزینی اغرندن قاجردیغنه در آن پشیان اولمسندن استفاده وقوه روحانیه امدادیه برکونده سفینه بی انشا و آئوده ایلدی ] .

معاصرلرمزدن بعض مؤلفین مشاکله بی ، دیار ادبیاتده بونامده ده غریب بر صنعت وارمش دیدیرته چک صورتده مبهم و احاطه تصورندن بعید بوجه ایله تعریف ایتدکدن صکره دیگر برلسانک کندی ذوق خاصنه موافق بعض امله سندن اقتباساً بو طرز بیان ایچون لسانمزه غایت ناموافق مثاللر نقل ایلش و یا خود امله عربیه بی تقلیداً بعض امله اختراع ایلش ! اسامی و تعریفات ادبیه برلسانده موجود صنوف ذوق بلاغتک عنوان و تفسیرلری اولدینی جهته ال اول برلسانده اذواق بلاغت تحری ایدلمک لازم اولوب تسمیه و تعریف خصوصلری صکره دن دوشونیه چک و یا بیله جق شیار ایکن بوراسی نظر دفته النیه رق کویا کتب ادبیه عربیه ده موجود اسم و تعریف خاطر ایچون چار و ناچار لسانمزه مشاکله بی مثال اویدیرلمش کی کورنمک و بناء علیه لسانمزه دخی ال مألوف براسلوبی بویه بر روش غرابت نما ایله بیگانه کوسترمک نه درجه سزای اسف ایسه بعض کوه بینانک بوکا باقدرق ادبیات عربیه ده کی تعریف و امله مشاکله بی بر [ ذوق ناپسند ] عد اللمری ده اوقدر و بلکه ده فضل شایان خنده در - اسرار بلاغت . طغیان : نه نه شیده اولورسه اولسون حدی تجاوز معناسنده در . بوراده منافقینک کفرده غامو و افراطلری مراددر .

عمه : ایکی فتحه ایله نزمیه توجه اولنه جنی بیلمیه چک وجه ایله تحیر و تردد معناسنده در . بصره نسبت ایله عمومی نه ایسه بصیرته نسبت ایله ده عمه اودر .

۱۶ — اُولَئِكَ الَّذِينَ اسْتَرَوْا الضَّلَالَةَ بِالْهُدَى كَفَرًا رَجَحَتْ تِجَارَتُهُمْ وَ مَا كَانُوا مُهْتَدِينَ .

انلر [ یعنی « من الناس من يقول .. » آیتدن بورایه قدر صفاتی ذکر اولنانلر ] اوکیمسدر در که هدایته بدل ضلالتی صاتون الیدلرده تجارتلری ربح و کار ایتدی و [ طرق تجارتیه ] یول بولش اولمیلر . [ چونکه تجارتدن مقصود سلامت رأس مال ایله استفاده ربح و نمدار ؛ بونلر ایسه شوایکی مطلوبک هریکیسنی ضائع ایتدیلر ؛ زیرا رأس ماللری ، سوء عقائد و اخلاقندن معرا بولنان فطرت سایمه ایله معارضه و همدن و غلبه هوادن خالص اولان عقل صرف ایدی ؛ انلر هدایته بدل ضلالتی صاتون المریله استمداد فطری و عقل صرفلرینه خلل کله درک درک حق و نیل کاله مابه التوسل بولنان رأس ماللری اللرندن

حیقوب کیتدی و بناء علیه خائب و خاسر قالدیلر . و بوسوء حرکتلریله طریق تجارتدن پک اوزاغه دوشدیلر . ماحصل هر فرد انسانی متفکر و متمیز و حق تحصیل مقتدر بر صورتده خلق اولوب هر کسک فطرتنده درک حقه هدایت و ارشاد بولندینی حالده منافق فطره حائز اولدقلری بو هدایتی اخلاص ایدوب تحصیل ضلالت ایلدکلرندن و یا خود هدایت اوزرینه ضلالتی اختیار واستحباب ایتدکلرندن ناشی بتون بتون خائب و خاسر قالدیلر دیمکدر ] .

اشترا : ثمن مقابل سنده متاع المقدر . صکره برکیسه یدنده اولان شیئی و یروب دیگر کمنه ده اولان شیئی المق معناسی ایچون استعاره ایدلدی . التوب و یریان شیئی ایسترمعانیدن استر اعیانندن اولسون - س . ده صکره برشیئی ارزو ایدرک دیگر شیدن اعراض معناسنده استعمال اولندی - ق . اشتراکک بومقامده هریکی معنای مجازیسنی مراد ایتک محتملدر . اولکی معنای مجازی قصد اولدینی تقدیرجه [ هدی ] ایله هدایت فطریه مراددر ، شو حالده منافق فطرت هدایت اوزره دکل ایکن نصل اولیورده انلر هدایتی و یروب ضلالتی صاتون انیورلر ؛ دیه اعتراض وارد اولماز ، زیرا انسانک مجبول اولدینی هدایت فطریه باطبع منافق فطرده ده وارددر - ش .

[ فاربحت تجارتهم ] مجازک ترشیچی در . تجارت : صناعت تجارتدر که تحصیل ربح و کار ایچون بیع و شرایه تصدی دیمکدر . ربح : رأس مال اوزرینه اولان فضل و زیاده در - س . ربحت تجارتیه اسنادی غایتله فصیح بر اسناد حقیقی عربی در ، زیرا ربحتی مشعر اوله جق شی بومعاوضه در ؛ شو حالده ربحتی تجارتیه نفیاً و یا اثباتاً اسناد ، اسناد صحیح اولوب تأویله محتاج دکلدر . - ع . یعنی ربح ایدن ایتیان تاجر ایکن ربحت تجارتیه اسنادی اسناد مجازیدر دیه مجازه کیمکه حاجت یوقدر .

[ وما کانوا مهتدین ] قول شریفی طرق تجارتیه یول بولمیلر معناسنده اوله رق [ ماربحت ] اوزرینه معطوف اولمغه بوده ترشیح استعاره دن اولدینی کی عطف حسیه دخی فاء ترتیبیه نک مذخولی بولندیغندن اشتراط ضلالت اوزره ترتبده ماقبله مشارکدر - س . بعضیلری بوجه [ ماربحت ] اوزرینه معطوف اولورسه مضمونی [ فاء ] حرفی سببیه منافق فطرک ضلالتی اشترا ایتلمی اوزرینه ترتب ایدرک اندن مؤخر اولسنی ایجاب ایده چکنه و حالوکه امر بالعکس اولوب عدم اهتدالرینه مبنی انلر ضلالتی اشترا ایلش اولمیرینه نظراً [ اشتروا ] اوزرینه عطفی اولی در دیمشده اسلوب شریفک بوکا مساعد اولمدیغنه ذوق سلیم شهادت ایدر - م . فقیره قالورسه بعضک بو ذهابنه اسلوب شریف مساعد اولمدیغنی کی نفس الامرده مساعد دکلدر ، زیرا انلرک مسالک تجارتیه یول بوله میهرق بمراحل بعید دوشملری هدی مقابل سنده ضلالتی اختیار ایتدکلر ایچوندن ، یوقسه طریق تجارتی بوله مدقلرندن طولای اختیار ضلالت ایلش دکلدر .

برکت زاده اسماعیل حق